

晚

晴

移

詩

匯

晚晴移詩匯卷一百六十八目錄

曾紀澤 十一首

周馥 十二首

林肇元 一首

劉樹堂 五首

楊宗濂 一首

宗源瀚 七首

朱之榛 二首

黎庶昌 二首

金福曾 一首

何元普 三首

胡鳳丹 一首

余本愚 一首

施曜庚 三首

朱福清 二首

汪文安 一首

朱滋澤 一首

汪桐 五首

周天麟 四首

白冠玉 一首

張度 一首

馬毓華 一首

徐煥謨 二首

胡廷珏 一首

潘鍾瑞 二首

黃維煊 一首

顧濟 二首

張家鼎 一首

蕭雄 三首

俞廷瑛 四首

葛士達 一首

楊葆光 四首

夏詒鈺 五首

葉慶樞 一首

翁壽麐 四首

高望曾 三首

闕鳳樓 一首

吳寶三 一首

倪鴻 五首

余雲煥 三首

李嘉績 三首

薛福保 九首

吳保清 一首

謝綬名 二首

王瑋 七首

王汝金 一首

韓允西 一首

秦敏樹 一首

汪守愚 二首

陳伯銘 一首

沈琮寶 一首

高永昀 一首

晚晴簃詩匯卷一百六十八

徐世昌

曾紀澤字劼剛湘鄉人襲一等毅勇侯官至戶部侍郎
謚惠敏有歸樸齋詩鈔

詩話惠敏文正公長子詩託體蘇黃時復出入義山
海外諸篇尤壯健而有深隱之思警句如從知混施
猶餘竅始信崑崙別有天南北自教鵬運海古今非
復貉同邱洵足開拓萬古心胸其雜感無題諸作
覺思深慮遠若有抑鬱難言者勞臣甘苦於此見之

山行

禹跡江河萬古流
史詳華夏略窮陬
秦皇無術求三島
鄒衍憑空撰九州
南北自教鵬運海
古今非復貉同邱
望洋向若嗟何補
且遇青山汗漫游

次韻答李六容

窮荒無雁只爰居繫帛遙傳海上書小隱知君非忘世遠
游憐我似逃虛夢魂楚水吳山裏詩興寒煙宿雨餘與子
忽分蠻觸角人生何處問乘除

寄懷李六容兼柬香嚴

鸞皇戢羽豹藏文劍閣山頭湘水濱兩地酒尊同酩酊十
洲棋局任紛紜乘槎誤覓支機石杖策新成出岫雲妒殺
蘧園高卧叟何年水竹遣平分

八月十五日夜森比德堡對月

森比德堡爲鄂羅思國所都地瀕北海良

天佳節月明雲散是日國人頂禮祇神鐘聲四起耳目所觸感慨叢生酒後成章質諸寮友西人謂海潮爲月力吸引結句採用其說或者爲後來詩人增一故實耶

祇廟園樓百仞高梵鐘清夜吼蒲牢見聞是處駝生背官
職無名馬有曹明鏡喜人增白髮奚囊搜句到紅毛冰輪

何事搖滄海去作長天萬頃濤

雜感

廿年稽古注蟲魚搜括羸秦劫火餘爲考諧聲類隔術兼
通畫革傍行書九千文字成嚆矢十萬程途騁傳車安得
上林親射雁羝羊未乳返吾廬

銅梁山麓澗之湄山色蒼茫雲意奇荷發雙池香在葉桐
高百尺老無枝未成避世謀中隱正坐封侯悵數奇寄語
九峯山下士汲泉應及在山時

驥服鹽車上太行眼中駑蹇任超驤九方皋死心先冷八
尺身存項總強豈有薔薇頰皁櫪誤尋苜蓿走沙場何年
外阪爭途罷一騁蘭筋陟六方

朝驂黃鶴上瀛洲無數仙靈相酢酬九轉成丹無火氣三

緘在口是清修朝從葉縣飛雙鳥睡倒華山合兩眸笑我
未諳兜率例綠章猶抱杞人憂

作隊長鯨集海東怪雲腥霧掩晴空六弑金版都陳策五
檠梁輶備討戎但願奇功歸謝傅自甘無識似桓沖澶淵
一擲誠孤注莫怪南箕熒帝聰

無題

春盡尋芳自怨遲故爲驕蹇正情癡瘦留豐態渦雙頰笑
帶颯容蹙兩眉瓊拌脂缸珠拌粉金鑲蘭藥玉鑲芝昌陽
香溢盆池外過院東風未盡知

邂逅高唐日未曛誰言暮雨又朝雲佩環留質亦何益香
火尋盟空復云雁帛傳書詢隱語鮫綃織句擬迴文蓬山
有客聞長恨不怨君王怨六軍

周馥字玉山安徽建德人官至兩廣總督諡愨愨有玉

山詩集

詩話愨愨早歲卽爲李文忠參佐文忠督畿輔籌海
治河練兵興學愨愨無役不預海歷節鎮聲施爛然
晚年納節寄居析津養舍優游深摯易理其所爲詩
旨在微婉而辭歸瞻實自序謂絃外之音識者當自
得之蓋其身處高明時當中晚寄興所
在固不屑屑以風雲月露論工拙也

慈雀

天寒空林雀呼飢老雀覓食歸來遲有蛇入巢吞其殼繞
林哀噪不忍離須臾忽引眾雀至羣飛啄蛇蛇委地蛇死
頓供眾雀飽得喪循環報何異我家江南嘗苦兵人啖人
肉骨縱橫人心不古天降禍至今父老猶吞聲我作此歌
示人子養育恩深同一理區區口腹何多求勸兒見獵休
心喜

秋日過桃花寺

落日蒼黃野色昏，亂鴉聲急赴前村。
荒田退水魚蝦賤，秋稼登場鳥雀喧。
萍梗自傷天地窄，香煙徒見鬼神尊。
湖波閱盡興亡事，歲歲寒潮到舊痕。

出山海關

當年關外判山河，誰向橫流挽逝波。
朋黨半從科第起，彈章繁比戰書多。
錦衣獄急官如草，皮島人降士倒戈。
卻歎路旁望夫石，年年風雨泣煙蘿。

讀袁爽秋農部詩有感

紅塵十丈人如海，展讀新詩眼爲明。
江上釣絲牽客夢，酒邊吟管帶離聲。
車輪碌碌青春老，案牘茫茫白髮生。
擬約丁沽看柳色，登樓恐惹故鄉情。

閩農

麥欲老時雨如縷冒雨腰鎌裸兩股割來一束釜中煨姑
婦夜舂兒渴乳人家麥熟忙上倉儂家麥熟已斷糧半納
田租半償債耰板未停檢衣賣東家老農憐我飢手分遺
穗供作糜夜深一飽枕蓑卧蚊雷殷殷來喂肌

三更炊飯四更起入山採樵二十里樵歸擔向市中賣杯
鹽升米養妻子夜來西風透骨寒一家喜躍忘衣單橡林
墜果紛滿地拾來可供三日餐儂家無田分外苦何用勸
農動官府山頭壘石尙栽糧貧人安得一畝土

山居宜種淡巴菰葉鮮味厚價自殊可憐糞田無豆餅典
衣買餅培田腴無衣或且借衣典鄰里痛癢關肌膚六月
炎風天忽雨煙葉沾濡色如土婦子收煙忙若奔淋浪徧

體無乾縷儂家無田無煙賣忍飢不負三分債

三月招得採茶娘四月招得焙茶工千箱捆載百舸送紅
到漢口綠吳中年年販茶苦價賤茶戶艱難無人見雪中
芟草雨中摘千團不值一疋絹錢小秤大價半賒口喚賣
茶淚先嚙官家權茶歲算緡買胡蘆斷術尤神傭奴販婦
百苦辛猶得食力飽其身就中最苦種茶人

種田莫種黃泥溝嫁女莫嫁蓮花洲溝田年年發秋水洲
家頓頓餐糲子結嫗仍是舊嫗家但求佳壻足桑麻朝出
負薪暮汲水日助鋤苗夜紡紗柳林霜重爭收葉菜圃天
乾獨灌瓜渠儂不勞乏生路但解治生勞不苦祇恐青黃
不接時嫁衣典盡飢難度幸免飢寒願卽伸終身荆布敢
辭貧茫茫天道那堪問此輩偏多孤寡人

過樅陽

射蛟臺畔繫孤篷入眼青山似夢中
牛卧秋場閒曬日鳥棲荒壘自呼風
難將雞酒招詩客誰向蟲沙問鬼雄
三十七年桑海變爭教兩鬢不飄蓬

瀟灑

瀟灑江湖又五年天教閒處看雲煙
捉鷗自信無漁父駕鶴何妨學散仙
香草美人殘夢斷藥鑪經卷暮年緣
江天清曠堪娛老祇恐風濤聒醉眠

記五月十三日事

詔書午夜下天閭父老驚疑破涕痕
何故奪門同景泰有誰感泣似興元
宗賢負展應難選舊制違時詎可援
自是老臣過憂慮孤忠無路達修門

林肇元字貞伯賀縣人諸生官至貴州巡撫

甲申被放南歸再游飛雲洞

天地靈秀貴搜抉抉而得之在巖穴雲藏於山天意奇欲
飛不飛殊駭謫我再登雲一憑眺山泉噴玉如騰笑山僧
留住情殷勤巢父行矣頭頻掉吁嗟雲兮且勿飛我欲乘
爾湘南歸再出當爲天下雨蒼生屬望功巍巍

劉樹堂字景韓保山人官至浙江巡撫有師竹軒詩集

乞假省親道中作

曜靈無停照親恩無盡期罔極歌游子游子同念之太眞
忠諒士絕裾將何爲雖曰王室故其如子道虧繫予甫髫
齡繞膝時提攜趨庭秉彝訓聖賢以爲師澄清攄素抱卓
立樹宏規屢貽卞和歎中途空徘徊登高望四野樵子採

蘭歸借問荷鋤者採之將遺誰云是奉高堂用以佐瓶鼎
我聞樵子言惻惻令心悲關中變倉卒路斷音書稀就徵
參帷幄刁斗靖京畿運會無終極寒暑有轉移桑榆榮晚
歲愛日貴及時一官何所戀去去安足辭北臨大行道嶽
巖險如夷浮名不誤已眷顧在庭幃豈復朝還暮跡阻神
先馳同心消壯志守拙磬烏私甯與雞雛偶詎隨鴻鵠飛
甯郡未復大兵雲集居民轉徙悲不自勝

積雪連天白重陰翳未光邊城飛羽檄轉徙淚成行裋褐
不完體飢孩棄路旁甯無慈母意待哺有高堂昔也棲丹
穴俯仰樂未央中途一失所飲恨百年長豺虎食當道白
骨萎沙場身死知何處悽愴斷衷腸過者不忍聞如渡深
無梁何時濟舟楫歡騰齊萬方

石穴吟

陡絕羊腸道崖居半壁懸虹橋浮石磴鐵鎖相勾連仰觀
猶惴惴繫險孰使然征士視耽耽悉索憊經年居高甯不
畏失足墜重淵水深陷猶後火熱避於前烽煙何日靖王
道蕩平平閑閤安舊宅穩步聽流泉

花朝雪霽出三峽

片帆來天上猿聲不住嘯雲橫千樹短雪壓萬山低錦水
騰龍甲春花襯馬蹏壯懷如可遂定傍畫橋棲

初月

乍見疑非是哉生盡閣東不隨銀漢白翻對夕陽紅映水
連成璧銜山曲挂弓邀來光一綫照徧九垓中

楊宗濂字藝芳號潛齋金匱人歷官長蘆鹽運使候補

三品京堂有聊自娛齋集

天山雪歌寄張樵野

蔭桓

天山萬古孤臣路，但有冰霜無雨露。
瀚海茫茫百丈冰，崩崖裂石陰風怒。
陽鳥慘戛玻璃聲，素虬翻飛鱗甲舞。
鳴濛鑿破冰柱摧，流沙凍坼晶屏沍。
堠亭百里斷炊煙，多少征人從此去。
玉關西出穹廬高，驚沙和雪飛戰袍。
要令邊人識麟鳳，暫離禁闥馳征輶。
中途枉我瑤華什，坐令空谷聞虞韶。
乃歎昔人處憂患，和平意旨無喧囂。
蘇李論交記疇昔，漢南楊柳長安月。
更憶鳩茲話雨時，風濤過眼成飄瞥。
人海浮沈三十年，太息河梁垂老別。
願君鄭重此須臾，西燕東勞兩愁絕。
吁嗟乎我生局促如駘駒，有夢不到狼居胥。
漢家三十六屬國，昔日域外今中區。
羨君乘槎歷西海。

雙蛟夾機趨天吳重溟萬里若咫尺良維況乃同車書羅
胸浩蕩星宿海撫掌揮斥崑崙圖崑崙我我矗天表寒門
悲風何杳嶺燭龍垂頭火鼠潛羲君御日不能到羌笛吹
回大地春春風先徧河湟道乍聞塞外玉龍謠待迎天上
金雞詔

宗源瀚字湘文上元人歷官浙江溫處道有頤情館詩

鈔

詩話湘文有經世之才官浙中多惠政理繁治劇判
牘動輒千言又博聞好古諸習掌故著述甚多詩才
駿邁雅近眉山

松林庵古柏歌

憶我六月浮海吳陵來吳陵園社生荒苔忽見招提古柏
勢天矯疑是蒼龍墮地遲風雷銅柯鐵幹老無匹參差何

祇百年物胡不腰腹磬磬四十圍但見一枝一折爭虬屈
咫尺之勢遠莫比晴空似有天風起胡不參天直掃浮雲
浮至今低首簷前伍桃李噫嘻此柏何好奇好奇無乃非
時宜山僧老醜有微尙摩挲枝幹前致辭紛紛黛色諸侯
墓劫火燒殘瞬非故亦有霜皮古廟前空嗟材大艱遭遇
此柏拳曲全其天青蔥萬古濃陰圓元精耿耿不可遏拗
金屈鐵相回旋夜夜空階鬱風雨低徊似與山僧語日日
虛堂動鐘鼓婆娑更向山僧舞只共蒼官守歲寒不須青
帝私春煦蒼茫海氣連岳墩浮嵐擁處思移根天陰一作
老蛟吼靈旗颯颯煙雲昏留此三日不忍去安得好手一
寫真戴文節湯將軍風流已矣今無存不然圖此槎枒崛
強出腕底日與忠魂毅魄摩盪空羣倫

都門答許海秋原韻

春明懷抱一爲開搔首南天撥馬回薄宦深慚投筆吏憂
時誰信出羣才高文京國同聲寡怨笛山陽變徵哀謂弔王雨
嵐爲報臨江摧舊宅寒雲淒斷鳳凰臺

秦澹如都轉尊人小峴侍郎道光中分巡杭嘉湖重
建蘇公祠有圖有詩祠燬於兵圖亦尋失今年湖
上復建蘇祠而都轉適於兵燹後收得原圖集同
人湖舫出而徵題卽用祠壁舊刻阮文達原韻

西湖狐火庚申年精藍仙宇隳堤壩兵後數祠隆報祀斷
碑零落殘礎遷蘇公祠成菟故實壁捫詩碣文猶全使車
悽然溯手澤湖光渺渺湖波漩盛衰回環六十載祇今依
舊雲霞嫺擬收新景付藻繪況見遺軸圖淸妍江山不殊

臺榭異尸祝重巖祠邊船蘇公於杭遺澤厚功復六井驅
葑田翳蔽二十五萬丈一朝席捲如風煙茅山鹽橋通運
道六議合向橋梁鐫今之湖淤已大治內河疏濬猶缺焉
支分派別辨清濁石礮圖說思前賢阮文達有石刻杭州水利圖說向在吳山
今移撫卹使君有志盍任此興復水利籌宜專聖朝輕帑
重民命不須減糶常平錢家世此邦有遺愛恤囚如種火
宅蓮侍郎在浙恤囚惠最著雲車風馬吏已仙雙高峯色長娟娟靈
旗月映南屏圓有時騎鶴來翩躚感今謳昔播管絃誦芬
述德傾言泉展圖如操左券然惠風朗日圖中天

重修趙清獻公祠詩以落成

衢山蒼蒼衢水碧四千年中一瑰碩東南已徧昆明灰太
末猶餘丞相柏贛州祀自咸淳始蓮花一祠傍珂里宋時贛州

與衡之蓮花

血食當時已如此况更百世月在水

東坡題公像云

世有公像如月在水

拱辰門外瓴甓荒入城兩徙鐘樓旁先後郡守

屢修葺靈旗颯颯飄虛堂我來肅拜值兵後祠孫零落祠

摧圯丹雘羣分清俸錢蕉荔新醺石室酒

石室衡州酒名

神之來

今風穆情如聽琴韻聲和平神之去兮動雲幕翩翩疑有

橫江鶴迎神送神我作歌公儻被髮來相過思公治郡妙

寬猛古今相去何其多三衢人士吸修綆標表從公發深

省愛直多應愧長官孝弟真宜式鄉井仁言利溥章疏醇

寬全君子排小人

公疏謂小人雖小過必排而去之君子不幸有累誤當保持護惜以成就其德

力爲朝廷惜元氣豈以鐵面矜齟齬十卷遺書後人守梨

棗修完垂不朽

遺版有闕失子爲補足印行

墓門更擬礪豐碑重刻髯

蘇字如斗

赴鄉勸農

躑躅千山爛綺如

躑躅俗名映山紅相傳花滿山頭其年必豐

烏龍嶺外勸耕

初遺民衰髮勝鋤耒老樹新陰覆里墟隴麥翠生農婦鬢
野花紅上長官輿荒蕪漸闢非難事注水愁無鄭白渠

西湖退省庵謁彭雪琴尙書賦呈

功成長揖寸心丹盪寇歸來尙據鞍九轉榮名儘辭職三
公虛席輒除官未須天上星辰履已作山中宰相看南嶽
西湖識臣意每依斗柄望長安

長槍大戟映煙霄寸管軒然壓海潮臺閣千言清眾論江

湖一疏定羣囂世間參簿皆閒冗

公謂予曰吾無幕僚疏牘賤戚一枝筆惟在吾

手

庵裏鶯花未寂寥昨夜詩腸起芒角老梅香幹發生綃

朱之榛字仲蕃號竹石平湖人廕生歷官江蘇淮揚海

道

詩話作石官吳中久錢穀利弊研討詳審病目中年後益劇治官文書使人讀而聽之纖悉不忘剖析無滯正未易才也

哭高伯平先生用文公輓籍溪胡先生韻

憶坐春風裏恩恩二十年詩文餘子事道德幾人全調籍依韓韻傳薪重許篇少時經患難兩鬢早蒼然

先生和接物嫵煦到人深座下探經義帷空渺笛音風雲何變色桃李爲誰陰不意西州淚傷心已滿襟

黎庶昌字莼齋遵義人諸生厯官四川川東道有拙尊

園詩藁

詩話同治初莼齋以諸生請闕上萬言書授知縣會文正招入幕府佐伐定有勞治古文法文正續惜抱古文辭類纂與王葵園互有異同在日本搜刊海東舊籍爲古佚叢書至爲精審訪徐福墓賦詩曰平川

幾頃稻花稠，雙樹爲旂土。一邱人代茫，茫茫莫辨夕。
陽荒海古今，愁斷岸風飄。著舫艖里人，猶自說秦須。
三千人海童，男女知否。當時盡到無，禮猶求野訂。
聞福帶同音，契典墳讀史。乃知徐市誤，俗書偶脫草。
頭文

東邱田家

川原盡坡陀，歷落不成井。人家占深曲，林木互修永。或非
西甌居，疑是愚谷境。雞犬會鳴吠，煙火雜村嶺。山深俗多
醇，地僻氣逾靜。秋清霜露饒，稻穫水雲冷。殘花倚空籬，涼
月照疏影。永念荷鋤人，宵綯惜光景。

吳南屏先生自岳陽泛舟金陵兼有蘇浙之游次湘
鄉會相國韻奉簡

尺土欲作阿房，徒萬夫。城山龍膊摧黃金之埋地，紀絕破
碎乃自秦以來承平一瞬，閱三載池有水竹庭有槐，麗佳

未接冠蓋盛戰鬪喜無笳鼓厯當時盜弄等蠻觸人事一
生何其乖相公起試活國手洗滌枯劫沙蟲灰遺民來歸
土漸闢雖有旱潦不爲災山川精神要嶺祓憑藉文字輝
綦萊南屏老人今詩伯豪氣漸除心尙孩九江樓頭恣游
宴澤國那逢當路豺君山如賓集戶牖一同一上真佳哉
天機浩蕩物與狎追逐鷗鷺無嫌猜洞庭三月浪花下桃
杏已落青春隕扁舟訪古詣吳越欲尋興廢生遠哀十年
干戈淪戰血六代歌舞荒煙霾霸圖王業亦安在白日但
照鬚眉皚新詩百篇易感激把酒莫負千金杯長江拍天
際雲海萬里孤帆應好開胥臺禹穴有餘興東窮嶺嶠西
岐邵

金福曾字君人秀水人歷官直隸永定河道贈內閣學

士

詩話若人初官江南迭宰大邑惠政及民繼出治豫
晉賑李文忠調赴直隸疏濬子牙潭花南北運河南
堵永定決口理東淀舊址置堡船導淤灘

水治事篤勤不憚勞苦鄉人士至今道之

周富兒歌周富兒收州薛窰人年十八已許字矣歲
戊寅大饑與母相失爲翁家所掠賣轉輾

至徐州豪有力者物色去將奪其節富兒誓死不
從觀察譚公鈞培捐金贖之傳送至豫時南中義
士集捐代贖婦女屬余董其
役爲歸之母家感賦是篇

黑蜨吼急魑舞狂三年赤地無耕忙男泉女布盡流散么

鳳乃逐哀鴻翔嵩山之陽汝水曲蓬門弱息顏如玉不隨

越女鬪鉛華已許梁鴻聯眷屬饑驅各自走天涯大地狂

飈颺落花萬丈游絲牽不住長淮嗚咽渡香車紅顏自恨

生無福死別生離拋骨肉城北徐偏晚問名牆東宋又來

窺目琴心一曲卓姬奔桃李無言息嬌辱兒女從來責備

寬何妨富貴藏金屋吁嗟羅敷自有夫莫將紅豆誤薜蘿
女貞之樹倚天際磊磊早具凌霜株覆巢已分無完卵合
浦安知再返珠有人太息發奇願欲與天公補離恨萬紫
千紅總護持况是幽蘭滋九畹白璧求完漆室貞黃金待
贖文姬券捐金屢贖屢不成綠珠難與豪家爭誰欺高誼
拯奇節繡衣使者來彭城若非鈴閣官符力難慰窮閭破
鏡情千里明駝送故鄉不知夫壻在何方臨行別有心中
事欲言不言神轉傷兒生未識蘂碁面兒去先登阿母堂
迤邐關山行復止停車爲訪長千里阿兄則來壻未歸乍
見牽衣集悲喜掌上珠仍送入懷奩中鏡尙虛連理人生
離合最無端蕩子青春去不還寶氏征袍蘇氏錦何時明
月照團圓雲茶南下日紛紛精衛難填海底魂安得黃衫

皆任俠卻教紅粉盡衞恩

何元普字麓生金堂人諸生厯官甘肅安肅道有靜齋

新集

詩話咸豐時左文襄郭意城先後佐湘撫戎幕因有
老亮新亮之戲語劉霞仙任蜀藩往受石達開之俘
作詩紀事亦以賽諸葛自詡麓生劉相祠詩有云
王佐天生非易許且留巾扇任人師蓋諷之也

聞李湘石得廣文誌感

聖代卽今開廣廈故人聞又進儒冠秀才出處關風化天
下安危視校官增益俸錢資砥礪培成國士濟艱難青氈
一席裘千丈誰道吾曹骨相寒

寄懷王子壽比部

高卧辭恩詔承歡奉母慈湖山千古勝忠孝四方知憫世
邁園老騷情漆室詩樞言兼論德經術繫人思

邊患

邊患無今古兵機有是非課耕曹瑋略敢戰狄青威拓地
先朝遠通經大將稀奇功收積石滄海未全歸

胡鳳丹字月樵永康人歷官湖北候補道署督糧道有
退補齋詩存

詩話月樵於鄉邦文獻表章最力嘗刻金華叢書
釋琴學士視浙學輯兩浙輶軒續錄婺州人詩多其
所贈組雅堂詩話亟稱之詩學眉山跌宕自喜

荊州大隄行

城捍兵戈隄捍水隄互如城固如砥隄防乃與城防同能
守則生不則死荊州形勝雄崔嵬川源遠自岷峨來噴雷
滾雪日千里齧噬隄岸愁傾頽北岸之西四萬九千丈幾
費緡錢踰萬帑南岸之隄五萬四千丈有餘濱江如帶環

田廬自明迄今數百載過眼滄桑幾興廢修舉全資保障
才下隰高原供灌溉我來鄂渚閱五秋年年鼓浪騰洪流
潛河江漢禍尤烈天平何酷民何尤民不怨天咎在吏吏
視民命如兒戲可憐吏飽民益飢上千天譴降災異災異
先當防未然力之所至人勝天桃花春水尋常見瓠子秋
風捍衛堅不然徒費黃金築旋築旋決嗟顛覆臨變倉皇
空補苴百萬生靈葬魚腹子壽比部貽我書大隄岌岌成
沮洳恭陳二公勤守護能救民患安民居我識斯隄高且
厚百餘年來未潰口泰山遠勝冰山堅河伯波臣羣退走
水利水害紛無常要憑隻手瀾迴狂存亡呼吸一髮繫危
如累卵安苞桑君不見鴟鴞鴟鴞微桑土牖戶綢繆當未
雨願祝瀾安民舉安莫待羊亡牢始補

余本愚字古香休甯人歷官浙江候補道署杭嘉湖道
有十華小築詩鈔

昌化道中

流水忽然斷板橋何處尋灘邊覓漁艇日午渡煙潯芋葉
有荷意谿雲無雨心桑塍行漸沒歸路萬山深

施曜庚字小普號星衢會稽人官江蘇候補道

詩話星衢年八九歲時隨其父普生大令惠在宜興
縣署喜懸肘作壁窠書游邑中諸名勝援筆題識見
者驚異長以能書名入仕途後臨池不輟晚年好摹漢隸求者踵接詩不多作

辛亥夏赴邳州桃源決事感作

入耳哀鴻徧野鳴誰教胥吏復苛征河流怒吼驚剽急疑
訴羣黎疾怨聲

捧檄長征正麥秋利民愧少鄭敗謀舟車往復三千里明

月清風伴我游

宿遷舟中卽景

下相勞行役歸舟趁晚風
櫓搖蒙水碧帆映夕陽紅
隔浦炊煙起沿隄麥穗豐
篷窗相對飲項并話英雄

朱福清字修庭歸安人江蘇候補道有雙清閣袖中詩

詩話修庭值咸豐之季請纓從戎豪宕自喜趙忠節以圍練守湖州修庭在其軍中嘗與忠節乘扁舟闌入賊營歌獻而返意氣甚盛後官吳中則頽然自放無復當年志概恆與蘇人爲詩酒之會有塵封古寺鐘潛動水落寒江石側聽之句爲時傳誦

歇浦感舊

年華如水事如塵道是尋春卻送春
青雀劃開波底月黃金
談盡畫中人落花無奈依芳草
飛絮多情肯化蘋不許
今年頭不白懊儂詞藁又翻新

讀史有感用金粟子留別原韻

心甘納履傲公卿堪笑蕭曹盡世情
命薄宮人求入道時來豎子亦成名
海中風浪琴三疊江左河山局一枰
試向太行峯頂立舉頭見月十分明

汪文安字冠唐宜興人官湖南候補道

詩誦冠唐中歲侍親歸田卜居吳門以著書自娛尤
究心國朝掌故已刊者有十一朝東華錄肇要一百
十四卷詩多散失止得一律

次韻答安遇

無官有子足忘憂勉爲攀轅且暫留
吳下歸期三徑待海東儒效十年收
相看我輩同霜鬢應使公卿愧黑頭
好與曲園譚佚事鐵瓶入地杳難求

余居鐵瓶巷與
君家隔一牆

朱滋澤字晦子崇慶人官湖北候補道有晦子詩鈔

金陵懷古

豫王天馬奮南轅四鎮降旗晝夕翻王氣銷沈歌燕子閣
羣顛倒醉龍孫衣冠已葬梅花塚羽檄猶污粉黛痕蕭瑟
孝陵秋草徧西風日暮冷哀猿

汪桐字冠侯宜興人官浙江知府有靜齋詩鈔

詩話冠侯生有至性少隨宦嶺南與兄冠唐同爲東
塾弟子凡周秦漢魏六朝以至唐宋諸大家文皆手
自選鈔積卷百餘官烏鎮同知宰湯
溪常山等縣俱有政聲詩法少陵

感事

兵禍潢池弄啾啾鬼伯來悲風生子夜劫火到泉臺汝輩
奚堪惜蒼生信可哀誰爲司牧者慷慨濟時才

蠢爾當車怒公然學跳梁救民原有道就死亦堪傷令戒
三驅失羅休四面張溫溫天語厚流涕念先皇

題桃花扇樂府

崑老能歌柳善譚九州鐵錯鑄何堪公然一疏清君側痛煞甯南與靖南

大厦難憑一木支汨羅同恨不同時白頭贊禮多情甚灑向江天醉酒卮

水天閒話付漁樵一局殘碁一曲簫贏得美人千古淚年年流恨送南朝

周天麟字石君丹徒人歷官澤州知府有水流雲在館詩鈔

寒夜喜鄧獻臣明府

琛

見過用東坡聚星堂雪詩韻

宦海浮蹤聚萍葉與君同踏并門雪未經識面心先傾吏事詩才信雙絕忽聞剝啄喜過訪出晤那妨屐齒折袖中

示我詩一編墨藻飛騰詎磨滅韓蘇大筆極奇矯硬句盤
空臂鷹掣我詩骀駼百不工十載愁吟鬢絲纈圍鑪促膝
談夜深萬瓦霜華感騷屑卷中風木吞聲多夢裏梨雲過
眼瞥平生甘苦應自知除卻高歌更何說送君明日上長
安定有詩腸轉輸鐵

人日寄懷王小汀

葵
邗江

何必梅花發相思已不禁每逢新歲淺翻憶舊交深臘酒
嘈騰意春盤冷淡心遙知草堂上忍凍亦孤吟

天宇

天宇真寥廓甯辭目送勞風鴉爭獨戍霜隼下晴皋遠岫
寒逾淨孤雲懶更高稻梁何處覓吾亦等鴻鹄

舟晚書懷

蒼茫雲水欲何之又到移舟晚泊時
冷淡心情斜照在艱難身世逆風知
破除積悶聊中酒抒寫離懷不廢詩
卻笑沙汀雙白鷺無愁胡亦滿頭絲

白冠玉字海仙華容人諸生厯官福建興化知府有小香山房詩鈔

臨湘李藻亭茂才避寇來華容以詩見投和其韻
秋聲如雨落空庭忽動哀絃未忍聽短鬢應從今夜白
寒鐙猶作故鄉青歸心引夢來還去酒力輸愁醉易醒
太息離蹤無定所江湖到處一浮萍

張度字吉人號叔憲又號辟非長興人厯官河南候補知府

詩話叔憲爲小軒侍郎孫侍郎在道光朝屢奉使獻
獄多所平反以清正有聲於朝叔憲初仕京朝治金

石學評書畫一時推精鑒著說文補例二書入靈鵜閣叢書尤稱精密

登五峯山頂

蒼龍作勢從天來近城忽爾圍屏開山迴峯轉緣城拱清
潤直接庭階苔神游東海山飄渺蓬壺仙澎湃不可到此
得登層巔陡然矗上三千丈東西洞庭遙相向跬步直欲
叩天闕金闕玉節雲霞降上望清溟何所有獵獵罡風刮
耳吼回首塵寰勢若走大笑蠅聲城一斗廣陵琴漁陽鼓
金根賜祕器腐貴人名士皆黃土滄桑有幾時蟪蛄苦不
知今人笑昔後笑今孰爲智慧孰爲癡江山若此胡爲不
歸碧厓桃花落畫溪棹雪霏日月如逝水往者不可追甯
作信陵醉無爲阮籍悲江山若此胡爲不歸安能頻首哉
翼閉樊籠使我不得狎霄飛

馬毓華字萊斐上元人諸生官陝西知府有東齋就正詩草

寄和瞿京之

樹鐫

木石居游笑此身偶因新歲慶芳辰愛尋山水之間樂自謂義皇以上人花徑有時延舊雨桃源何處渡迷津樂游原上韶光麗可許平分百五春

徐煥謨字綠滄號叔雅桐鄉人諸生候選主事有風月廬賸稿

觀穫稻

昔日觀插秧移疏種密婦子忙今日觀穫稻連阡比陌穰稔老涼颼瑟瑟天欲霜高隴低隴秋雲黃腰鎌隨風疾如掃家家禾稻盡登場兒擎婦負日當戶西疇絡繹奔走苦

見說多收十斛餘崇墉比櫛對衡宇回思六月火傘張日
中鋤禾汗若漿彼蒼不負農夫力今歲乃得盈倉箱盈倉
箱如獲寶粒粒皆由辛苦造新粳炊熟連村香田家此日
嘗新早秋郊一望暮雲平萬井歡呼慶有成神絃社鼓相
喧逐併作豐年擊壤聲

茗溪道中

雲擁峯巒水漲隄菰城南去綠楊齊扁舟繫纜日初墮坐
聽深林懊惱啼

胡廷珏字涵卿號問軒祁門人侯選光祿寺署正有春
草堂詩藁

清明前二日作

輕風細柳暗紛霏節近清明踏翠微村店家家新酒熟道

遂日日遠人歸偶尋古寺穿幽徑爲愛春山坐夕暉往歲
游蹤何處覓溪邊楊柳尚依依

潘鍾瑞字麟生長洲人諸生候選太常寺博士有香禪

精舍集

詩話磨生工倚聲所著詞分目曰逍遙餘緒曰僵瑟
音曰尋鷗閒語沖融續栗兼草窗夢窗之長有游記
三卷記洞庭鄧尉諸勝詩四卷皆
紀游之作意致閒逸似范石湖

匯上里

昨聞里巷言異人世罕有西山匯上里蔡氏沈家婦年踰
一百歲山中無其偶今晨趨造之村客導先走門庭表肅
清竹木參左右登堂識其子疑是絳縣叟問年八十五自
云早衰朽雖幸抱孫曾康彊邇吾母引我闕中闈藜牀坐
耐久睟然盎于背如邱禿其首叩以長生訣默默不開口

視我一轉睫遽起掩戶牖會茲掩戶意鏤鑰貴能守守之
金石堅可與彭佺友我聞磅礴氣惟坤得其厚陽動而陰
靜靜者每多壽況鍾山水靈迴脫塵市垢誰謂勞力身蕉
萃天隴畝人瑞錫自天創見額加手此境豈西池有星燦
南斗歸去誇眼福游仙良不負我亦癸未生追逐周甲後
形癯鬢二毛對母慚老醜一百有六歲知我能到否

尋包山寺憩其下院遂訪毛公壇

數里衝秋炎投門釋午倦不知雲岫深來此下方院偶逢
真率僧草履何輕便息陰竹柏間剛及茶瓜薦爽氣來虛
堂雄勢晒崇殿小話廢興跡恰未龍象變仙壇古道場塵
劫迅颺電過墟天宇空陟峻榛莽徧波窺雙井沈丹想九
成鍊錯疑綠毛生松鍼落衣綠

黃維燠字子穆鄞縣人官臺灣海防同知特用知府贈太常寺卿有怡善堂贍稟

同治癸酉臺陽雜詠

萬石樓船照海波沈沙殘鐵試摩挲春光漸洩春陰薄莫放扶桑日影過

顧濟字作舟一字竹樾金匱人諸生官安徽同知有青琅玕館遺藁

贈廖再卿

一劍干戈裏書生氣骨迥湖山淪末劫烽火黯滄洲義動秦庭哭身悲楚館留蒼煙沈白日風雪暮江頭

畢醇齋示題秦淮夜泊圖句有感舊游

水亭夾岸絕瓏玲繞徧青溪幾曲櫺客思欲將紅豆種夜

涼風影一鐙青

張家鼎字燮盦江蘇華亭人官浙江同知有鐵華仙館吟草

久雨

不斷連朝雨林霏晝未開橋低流水漲山斷溼雲堆漫作尋春約誰能著屐來鵲聲空報喜花外又輕雷

蕭雄字皋謨益陽人候選直隸州知州有西疆雜述詩

詩話皋謨久困場屋同治季年從軍征回徧歷天山南北於其山川風土各紀以詩西征文士人與施均甫並稱之

闢展

闢展城連小澗邊西來剛過黑風川井疆叢爾人聲寂沙草坡中數點煙

奇臺

西經谷壑出平蕪城倚陰山俯壯圖隔浦沙陀餘故壘月
明風冷夜吹蘆

風洞

深谷崖邊一竅開洶洶秦籥走奔雷呼號亂捲長川石算
是乾坤鼓盪才

俞廷瑛字筱甫吳縣人官浙江通判有瓊華集

擬左太沖詠史

長安多王侯冠蓋盈通衢區宇值清晏徵逐相歡娛開尊
揖上客彈絲出名姝夜飲不知旦此樂古所無一朝匈奴
入失色同嗟吁一謀遷貨賄再謀徙妻孥

仗劍出門去頗思立殊勦十年不得志歸來事耕耘祇爲

八口計敢辭四體勤歲時斗酒會卽事多所欣有客談朝
市掩耳不欲聞俯視清流水仰看寥天雲

落葉

空枝無復見巢鶯一曲吹蓬聽最清繞徑自尋秋外影打
窗猶怯夢中聲山林枯槁曾何用天地蕭條太不情獨向
瓊臺高處去居然列子御風行

春草池荒久未臨亂飄煙翠滴牆陰去如浪子蹤無定盼
得良媒信又沈極浦秋殘紅樹老空山路隔白雲深青青
祇有閒松柏未負栽培一片心

葛士達字伯材號子材上海人諸生官平定知州有遠
志齋詩藁

登大峪雕窠寺

下騎還登百尺樓。煙雲萬象豁清眸。嵌空窗牖藏山隙。屈曲巖廊瞰澗流。怪石當階驚卧虎。長松蔽日隱蟠虬。詩人到此應殊少。壁上曾無一字留。

楊葆光字古醞。婁縣人。諸生官景甯知縣。有蘇盦集。

自四安返杭易車而舟對雪感賦

水居喜有舟。推篷見殘雪。昨朝途遇雨。破被冷如鐵。壯士不畏寒。腔中有熱血。嗟彼趨炎者。炙手可使熱。暝酒擁肉屏。圍鑪據金穴。安知茅舍中。高卧有清節。況當頻年兵。骨肉動隔絕。軍前戰衣薄。坐使肌膚裂。憶昔李涼國。襲蔡亦人傑。江南帶甲多。連兵一何拙。將才良不易。世事那可說。鰥生雖無才。齷齪殊不屑。生與噲等伍。羞爲論優劣。班超非異人。燕然有銘碣。拔劍起雄心。摩崖紀餘烈。但願戰功

成莫詠新昏別

次韻答孫載之

我來海陵路三月有飛塵求友不易得見君良獨親豺狼
苦盜賊鴻雁慘流民世事一揮手徜徉墊角巾

南埭草堂同韓子玉茂才

德麟

對雪效歐公禁體兼

用其韻

窗前老樹慚舒萼旭日煖煖風來薄銅鉦已隨魯陽返斛
珠靜待鯨人作平野漫漫極炫晃長天迴迴迷寥廓陰寒
內凝鐵可鑄光華外耀金爲爍微冰倏已蓋池沼積霰俄
然失籬落鄰家富翁烹羊羔熟視美酒擁狐貉祈於元冥
方免獵團成師子復紛攫我當此境噤不語構火自溫拳
凍雀山居悵隔九斗塵不然徑去躡煙屨翦水作花助山

色豈必旗亭始行樂況今晉豫猶阻飢只可團茶試調餽
隨車逐馬有故事讀書城南慰索漠卿如欲問霸橋句第
一功名愧橫槩聚星堂事何敢比聊破寒威資笑噉

登巾子山

山背羣松拱樓臺聳半空鳥聲深樹裏人影夕陽中遠岫
齊疑靄輕帆乍穩風漉巾何處好江水酒池同

夏詒鉅字範卿號研齋江陰人官永年知縣有十五研
齋詩草

詩話範卿少時隨宦流寓河北避寇黃山得詩成帙
官永年最久勤於民事平反冤獄怡河籌振遺愛未
湮詩近中唐自然修潔五言尤多雋永

黃山晚步

隨意此徐步鄉居一味閒樹迴青嶂合村盡碧谿灣流水

自成瀑夕陽猶在山林泉且吟嘯烽火黯塵寰

村居曉起

滿地槐花白荷鋤人出門雲生山不斷雨過水猶渾鳥語
喧朝日雞聲連遠村晴光開宿霧叱犢滿前原

衛輝朝陽寺

城南古寺鶴守扉西風颯颯吹我衣橫塘一徑夾寒水落
葉與人爭路飛雙桐拔地雲千尺老檜年深根化石松寒
竹瘦古僧癯入門一笑斜陽白石泉松火茶味清秋花媚
客深幽情一房山翠可窗碧幽禽古木鳴秋聲願學無生
求妙證古佛垂眉僧入定滿天明月照禪心贈我歸途一
聲磬

秋日有懷

一尺青琅玕相思秋月寒殷勤覓鴻雁目斷秋雲端雲端
隔煙霧月照梧桐樹不見素心人當階一葉度

蕪蕪亭

冰合淖沱水效靈君臣麥飯感飄零雲臺圖畫今何在
不及蕪蕪尚有亭

葉慶樸字誠齋仁和人官雲陽知縣有蘆間室詩橐

題畫雁

更無殘夢落池塘乍可分翔逐稻梁蘆荻蕭蕭秋思迴孤
飛此夜宿唐昌

翁壽麐字惠君號米老涇潭人官江蘇候補知州有杉

蔭橋邊舊草堂詩集

行路難

邳州嶧縣爲東南交錯之壤自臺莊至韓莊計八十三里建八大閘諸水濟運間之士人

云水勢漸高里增一丈時黃河泛溢秋漲滿
野奔流有聲千人邪許日行數里悵然賦此

行路難空長歎河北秋風八月寒
薊門煙樹何迷漫征衣
密縫慈母綫天涯鴻雁孤飛倦
不見齊州九點煙痕青但
見濟水七分清
泠泠鑿石蓄渚濟漕運河爲控制
波爲滄奈何水勢建瓴下
淮黃交匯如滄溟天吳夜舞老蛟泣
蜃樓雜沓飛濤腥
嗟余鼓枻苦行役長波乃遇石尤逆
金隄潰決若瓠子
八十三丈濤頭碧轉蓬振舵舟不前
十里五里日向夕
舟子饑呼邪許聲一唱百和淒以清
安得長房縮地術過此八閭奔流疾

湖邊古寺

秋水倒浸湖雲溼
秋林黯淡織月入
行人繫纜秋樹根
井欄落葉無人拾
古廟蕭然佛不靈
老僧饑抱佛腳泣
蒲團

明倫彙編 家範典 卷一百一十一
三
坐見星斗光狐狸夜夜學人立

立秋前一日喜雨

黑雲如磐低壓樓一雨作涼天欲秋清淮倦客無一事倒
枕卧聽簷瀑流今春江南苦不雨行人道路而焦土忽然
淫雨四十日屐齒滑滑泥沒膝遠念家山縱豺虎干戈滿
地斯民苦喜看早稻花滿田黃雲壓野期眼前浮生飄泊
亦何恨年豐苦盼東南天

立秋渡黃河

靈槎萬里挾長風浩蕩河源不可窮一脈混黃餘太古百
川宗派亘天中雲開岱色經秋碧雨助濤聲入夜雄逕畫
乾坤限南北鄉關消息託賓鴻

高望曾字穉顏號茶庵仁和人諸生官將樂知縣有茶

夢庵詩藁

詩話茶庵年十七作蚺賦千餘言江夢華稱爲西泠秀氣冠絕一時官將樂知縣治事不苟作解訟歌聞人多誦之所作還鄉雜詩寫劫後情事如畫

還鄉雜詩

撫序感霜露朝出城西門湖山黯無色不知天地春官隄
縈鳥道夾路披煙榛將軍舊築壘亂石如雲屯孤往十餘
里破屋知荒村入山拜先隴抔土猶如新貧家少封樹雜
卉紛尙存前岡聳華表鬱鬱誰家墳石馬半傾蹋松柏摧
爲薪敗棺見殘骼拜掃嗟無人我輩賴先澤虎口留餘身
惕惕冰淵戒一綫延千鈞祖德儻能述愧無華亭文

山行不逢人尙餘豺虎迹下馬讀殘碑道旁小歇息鄉人
荷擔來纍纍此何物前肩挂髑髏後擔束骸骨爲言荒村

中狼藉無人卹官局論斤買易米計亦得敗幣攪牛羊眞
僞孰能別山南淨慈旁山北棲霞側荒塚何紛紛千魂共
一穴杭城收復後官紳設局收買屍骨每斤八文於南山淨慈寺旁北山棲霞嶺各瘞十餘塚八百斤爲一塚
豈無忠與貞豈無豪與傑身後誰得喪都付一邱貉俯首
念妻孥淚下衣襟溼

秋日湖隄晚眺

疏柳蟬聲急秋風幾度過此時殘暑退何處晚涼多流水
碧如瀉夕陽紅漸趁吳娃盪舟出采采聽菱歌

闕鳳樓字仲韓合肥人貢生官奉賢知縣有六友山房

詩集

詩話仲韓天資俊邁於書無所不讀尤嗜經世之學嘗撰新疆大記以道里城郭爲綱別記述同準兩部舊事具有條貫番禺許星臺方伯應鑠衙齋綠牡丹作花仲韓爲賦詩和者頗眾編爲清華唱和集乃以

此不嫌於撫軍謂假文字爲黃緣竟坐是
論罷陳滄洲虎邱詩後亦吳門一詩案也

今日何日行

今日何日江水長波平溟渤山蒼蒼黃雲釀雨天欲霜月
躔箕畢星垂芒青楓葉赤彫猗桑羣欣魄兔忘商羊美人
珠箔調青商一彈兩鼓仙靈翔低集鵷鸞高鳳凰斗宮之
側薇垣傍蘿披荔拂驕虎偃磨牙拇血思截肪日測銀漢
排津梁星君笑視狎且狂疑通土伯幽都望叢菅溼食如
餒餒頌則降福違不祥橫橫太白精凝光作雪西指紛旗
槍倒行不顧經躔傷羣仙嬉游旌麾颺俯首雜沓逐隊行
句陳奎壁圍徜徉暉臺黯黯身化裝前滌塵末傾杓漿美
人內顧依象牀白雪失和空雲襄朱紉膠柱殊笙簧安得
奔月親天香羣眞諧樂嘉清揚履舄戔戔視八荒

吳寶三字康之桐城人官鄆城知縣有鞠隱山莊遺詩

秋色

秋色碧無際離離禾黍香馬疲泥路滑蟬咽晚風涼雲缺吐明月山高拱夕陽豆棚與瓜蔓點綴作村莊

倪鴻字延年號耘劬桂林人官福建候補知縣有退遂

齋詩鈔

詩話耘劬以簡劇官粵東游張南山之門同時如陳蘭浦譚玉生皆與締交築野水閒鷗館於越秀山之麓觴詠於此詩功力不深而自饒情韻集中多載明季閩粵遺事足補志乘之缺

春日郊行

紅棉碧嶂挂斜暉陌上誰歌緩緩歸二月楊花飛似雪東風吹上酒人衣

踏青步履不辭勞三月飛花點客袍舊雨墳前多宿草東

風門外有天桃入春田水潺湲急負郭山家向背高底事
催人歸去急昏鴉嘯近古城濠

檀度庵觀平南王第十三郡主自悟大師畫像

結得團焦在穗城頭銜要署大師名粉侯不嫁非無福飄
泊憐他孔四貞

聽松園瓦當

方寸團圞古鏡形飄零何止玉樓釘上元綠字應相似小
篆荒苔一例青

望雲庵觀明郡主出家畫像

金山山畔築精廬日誦楞嚴閉戶居棕拂蒲團成結局白
頭愁煞老尙書

余雲煥字鳳笙平江人諸生官四川知縣有白雨湖莊

詩鈔

歸州

萬家砧響觸羈愁
枕上灘聲又換秋
絕好江村圖畫裏
亂山斜照泊歸州

李丈次青方伯乞山中紫薇花將去數本
媵之以詩
紫薇花發繞吾廬
豔雪晴雲擁上車
將去宛如新嫁女
到時應識舊中書
前身或者絲綸閣
夜夢因之水竹居
位置平泉莊上好
不教淪落在荒墟

再抵成都

籌邊依舊上高樓
內地河山壯益州
酋長西來通職貢
大江東去扼咽喉
書生不作三刀夢
閫帥相持半壁秋
劍外烽煙瀘海瘴
孤吟誰識杜陵愁

李嘉績字凝叔號雲生直隸通州人官陝西知縣有代耕堂橐

甯羌州

行盡利州路重關第一程詩猶歌蜀道人已變秦聲據水橋橫出黏天草亂生東山山翠重愁壓武都城

彰德

樓閣立崔嵬晴雲四面開路從天上至人向鄴中來不覩建安筆難逢河朔杯徒令千載客駐馬歎雄才

送章碩卿之官武昌

送爾之官去關山奈別何千金垂橐盡萬卷載車多酒待招黃鶴書應換白鷺一函好相寄珍重翦江波

薛福保字季懷無錫人陝西試用知縣有青萍軒詩錄

詩話季懷為叔芸中丞之弟高才通識聞文介丁文
誠皆頗引重早歿未竟其用叔芸豪於文而不以詩
鳴季懷則詩學甚深奄有荆公涪翁風味
遺集僅存數十篇精悍堅栗多非凡語

九日登千佛山

嘉名古云愛攜手躡巔岼甯傷廩秋暮惜此永日歡斜日
在郊坰晴皋墮輕翰亭亭華不住峭蒨不可餐三周弔陳
跡百雉森雄蟠酌彼在山泉倚茲千丈磐摩挲崖上佛煙
雨故不刊俯窺小洞幽笑歎黔生寒不知鐘梵夕省想爲
盤桓吾生幾兩屐勤可親煙巒毋令歲華晏庶以恣游觀
夜坐書懷示偉度穆庵

流泉灑灑軒窗隈窵木屢擊鐙花摧起看斗柄惜長夜跬
步佳客如瀛萊窺編欲友千載士靈意翻被陳人埋捲書
凝坐自怡適憂端硤硤未可排西溪故墟不可到北堂已

見霜鬢體曾參于外不一宿肯以朝市荒南陔尤嗟仲氏
意獨悴一病兩見鑽冬槐楚澤燕雲各蓬散書如束筍愁
相催各懷懇懇苦相憶斐然諸弟孰與裁徑思鼓枻渡江
去松竹及此華年栽踟躕既乏賣藥業亦愧農圃能耘培
太行蒼翠已滿眼東風吹我西去埃秦關一入行自脫長
安雖好非吾懷還須炙輶向稷下桃梗聊避土偶哈白鷗
浩蕩任去住吾計於此良恢恢偷閑息鞅暫爲樂登臨幸
有名池臺隆冬泄陽苦無雪天心慳絕不可回憂時活國
豈我責妍媸趁弄城西梅百年鼎鼎若驚電煩憂坐使流
光隕好作南烹共呼食子有三徑吾能來

與同人游濟南城西憩尙志堂歸呈稚璜宮保

嬴秦燔詩書云欲愚黔首我今抱陳籍兀兀亦何有坐窗

想聞余言圖卷一（下）
三
欲瘦聽泉流涓涓日夜歸滄洲晴光妍暝意忽動攜手城西消百憂城西之堂誰所考我公造士歌芹藻鬱然揭出鄒魯心庶與髦士相雪慄我慚學古迷津涯飄搖坐惜去日賒稍欲茂厥業故當養其芽仁人貺我有高意斯堂洵美其可瑕竹林幽幽梅未花泌流詰屈紆卧蛇朱魚游空斐而葩行吟坐笑妍曦斜一邱一壑吾意得古意冥冥還獨嗟

贈古狂

傾蓋識君心霏雪盈君首肝膽久益炯芬烈不可垢緼袍憂蒼生有淚欲盈斗長嘯六合間忽落三季後羲皇入夢想婉變相唯否間人纖毫善若拜錫圭卣春意溢座隅不啻自其口卓哉元紫芝堪使薄俗厚我今請改事謔侮安

可久懼于鬼神怒於君亦何有

厯落無町畦猖狂蹈大方時有蓬之心咫尺迷所將隕然
得懸解元珠墜其牀嫉邪素髮指干莫難爲剛低首奉蛾
眉奔命走欲僵斯人故莫測通蔽兩不常奈何墮神州不
產文身鄉卓爲獠狂傑鹿豕相翺翔臃腫與鞅掌尸祝事
庚桑一被周公服八尺空昂藏君嘗自謂生於中國其才
必有殊績余以爲知言

息雞圖

鰲影山樊內形神兩不期都忘芥距意豈有稻粱思畫者
通微悟天倪妙獨追己應知晦養勝似午嘸時

正月五日出游作

聖伏神徂千載外鸞飄鳳泊九州間兼窺儒墨無門戶行

盡關山費歲年盡日登臨攜舊雨他鄉風物似斜川玉杯
繁露非吾事炳燭歡游差似賢

武侯祠堂

赤伏餘光未肯頹黃初雄視紫髯雌一龍中道還寥廓三
馬平原脫罽羈陳跡總隨流水逝空祠獨與大名垂悠悠
已是羸劉後一羽雲霄渺可思

鄂生觀察見示卽事書懷詩次韻奉和

百戰歸來謗不訾飄蕭雪鬢與霜髭晚途偶更師劉晏絕
漠猶堪斬郅支填海移山終不悔吹聲射影豈非癡中朝
垂意苞桑計龍變雲蒸會有期

吳保清字梓珊嘉興人官河南知縣

題李文石校經圖小影

人生任天機至理靡不通靜觀羣動息冰雪澄其胸讀書
觀大略精力穿蒼穹久之神悟澈運用嘻無窮玉溪學獼
祭彭城工雕龍搏摭章句間毋乃愧稱雄君負奇特才矯
若挺長松弱齡破萬卷談笑座生風搖筆起山嶽突兀撐
晴空業遂勤自韜隨意圖其蹤有畫不必展有書姑弗攻
卷石可徙倚草色方青蔥順時適至性懷抱方惺忪彷彿
王逸少嘯傲會稽東又如諸葛子抱膝吟隆中或方黃叔
度或擬郭林宗我獨攄臆斷純仁忠彥同會心不在遠相
對雙梧桐

謝綬名字理齋天台人諸生官安徽知縣有雲萍集

蟋蟀詞

籬豆花開秋月出月明疏籬聞蟋蟀終宵唧唧訴苦愁寄

君籬下思君恤餐風飲露不辭辛常怕金籠了時日

奉和竹莊吳中丞夏憊歎

天外瀉銀濤渾疑鍊石破晝黑雲近頭龍逼蛟涎唾纔免
庚癸呼何期風水作飛瀑落簷牙雷鞭催雨大忙停北海
樽驚起東山卧波撼城欲傾舟搖更箕簸倏爾變滄桑農
不安牀座萬頃香稻禾崇朝收拾過當春播種時田畯嘗
考課黍苗賦芄芃把酒臨風賀不圖災患罹末由分勤惰
自嗟命不辰非關用力愼秋薦乏餽糧潔蠲愁無稂鸚鵡
罕啄餘豆芻稱貸莖狼狽窮無歸扶持傷鮮左眼前皆鴻
噉米珠尙有那老羸疾易侵忍飢備藥銚苟且延殘生糠
粃雜土堞枵腹嗟黔敖蒙袂五中餓與其甌墦間盍去遠
方些丈夫半無衣遑恤婦人糴茅茨已飛揚涕淚交泥惋

中有小村娃垢面減姿媚中有素封家錢未留一箇缺衣
望生全缺食難醫瘡癰劫繼淪胥院民太坎坷大地徧兇
殃柱臣歎無奈幸達九重知發粟散財貨荒政在均平帑
金毋惜剝觀察首觀風查稽需僚佐撫卹謹推誠吏胥防
欺幾勤慎吾儕分清廉共切磋仰體好生機豈顧聲華播
億兆樂鴻施或能彌小挫賑濟古所難勉將精神馭耳目
慮不周晡旦循環邏羣感憐憫情好聽紳耆譟有司庶績
熙開府南邦坐盛德民弗謏善氣同轉磨寇君借一年功
參左右个拜手讀新詩陽春愧難和

王瑋字蘊齋汾陽籍浙江山陰人官草堰場鹽大使有
小蘭亭詩藁

詩話蘊齋官草堰時值光緒辛巳夏海嘯巨災倡捐
施振緒治鹽舍沿海集墩避潮如前明舊法修范公

隄緣隄墾植鑿河渠儲倉穀竈民賴之立石志焉配
施夫人斥飾以濟洪運使收奎贈蘊齋詩有云此事
使君應自喜萬家歌頌到中閨蓋紀實也丙申冬以
母憂去官後不復出因累世宦蘇遂居吳下慕靖節
康節之風自號安遇老人與同侶相羊山水間夙工
入怯旁通醫學詩出入陶白蘇陸諸家多適性之作
秋夜

耿耿星河見長空橫匹練冷露溼羅裾涼風捐紈扇人生
暮氣防天籟商音變遙思華屋中絲竹開豪宴

午倦

一飯寂無事晴光上小樓花枝媚秋色雲影逐江流悟境
靜中得詩情澹處求蓮蓮尋午夢隨遇卽莊周

夜讀

虛室夜遲遲孤鐙靜讀詩欲求開卷益合以古人期諫果
回甘後心花怒放時姮娥能解事送影入深帷

秋夜渡揚子江

人事不堪濁江流萬古清峯巒新畫橐星斗舊棊枰雁帶
秋聲去魚驚月色明扁舟輕一葉夜到綠楊城

歲暮書懷

世事今難問歸心在水涯官因慈母屈意獨逸妻知風月
無今古江山有盛衰暮年年又暮進退欲何之

丹行書所見

明月照澄波上下一輪映鄰舟小兒女借作妝臺鏡

西潭

西潭潭水淨於揩鐙火樓臺近市街鹽廩接天祈望守布
帆逐浪旅人懷我憂斥鹵桑田變客譽芝蘭玉樹佳明代
防倭陳跡在鬪龍江外渺無涯

王收金字礪卿號醉墨錢塘人監生官掘港場鹽大使
有味諫果齋詩集

新得汪氏故居偶賦

肩鑰何爲者幽居擬陸渾煙霞藏道氣風雪鍊詩魂蒼翠
山排闥澄鮮水抱門蘼蕪如可采惆悵賦王孫

韓允西字竹樵西平人諸生官無爲州判攝懷甯知縣
有悔蠡齋詩鈔

暮春道經舒城山谷

路轉峯當戶林疏水繞村雞聲流磻底犬吠倚雲根地僻
幽居樂風醇古道存渾忘王事瘁茅店醉清樽

秦敏樹號散之吳縣人官浙江候補縣丞有小睡足寮
詩鈔

詩話散之詩馮林一爲之序謂其得湖山清氣
推挹甚至俞曲園亦賞之五律佳句頗近晚唐

江樓晚眺

小倚江樓晚天空物外心波搖孤塔動雲抱一峯沈僵柳
迎歸艇虛簷納暮禽此時無限思空復短長吟

汪守愚號虎谿秀水人官吳江縣丞有虎谿詩存

石佛寺

怪峯如蓮花古佛坐其蒂石室雲爲門微風自開閉昔年
採石人雕鑿只隨意妙明出頑礪是卽最初地千螺釋迦
髻十丈修羅臂石火詩中禪斧劈畫中詣會從奇險間拜
佛問真諦

辛酉九日示弟輩

多難登臨易感傷天教薄暝黯重陽雁鴻零落猶成列雞

大平安豈待禪小市祇工桑醢酒閒官久已棗爲糧折莫
試問諸昆弟猶勝登高各異鄉

陳伯銘字吉人江甯人官縣丞

題金山僧雲峯卓錫圖

手不持瓶頭不笠行李一肩松下息既非竺道生亦非鳩
摩什細摹面目揣精神十年以前舊相識憶我與君初見
時地棘天荆無所之萬里鄉園那得返一家生死不可知
君於此中悟眞諦人世須臾皆夢寐果然打破利名關一
出危城便披剌野鶴孤雲自往來到處名藍商位置金山
殿宇縱成空至竟江南名勝地打包行腳尙嫌勞欲結茅
庵謀小憩繪成一幅卓錫圖灑脫悠然見眞意愧我從軍
屢及瓜江塵碌碌走天涯會當料理芒屨兼竹杖從君妙

高塔頂看煙霞

沈琮寶字組齋秀水人諸生官太平縣訓導有澹退齋詩

夜話

竹籬西畔豆棚東竟夕盤桓興自同爲愛清言時娓娓翻
疑夜漏太恩恩幾人留戀三更後千古興亡一席中月落
參橫催曙色閒談水乳喜交融

高永昀字秀松江蘇華亭人官亳州吏目有月橋詩彙
擬韓昌黎嗟哉董生行

淮水何滔滔迢遙千里奔風濤淝水清而泚百里安流入
淮水安豐古縣淝之孺有唐貞元年董生生焉儒宮一畝
隱居於其間朝徵府辟不之及垂釣採樵以自給嗟乎董

生家貧已如洗催租打門更何悍日出作夜歸讀無時休息常歷碌上堂脩定省下堂具甘旨二人顧之爲色喜舉室俱熙熙有道及妻子嗟哉董生孝且慈時之人誰復知家有狗乳狗出未歸雞來代之哺其雞其雞不食且咨咨以翼覆雞不肯離烏虜雞何知天鑒董生賢而祥降之嗟哉董生賢若斯時之人疇克如其孝且慈

晚晴移詩匯卷一百六十八終